

Mumwedzi webutanhatu Ndzimu wakatuma ntumwa Gabhuriyeli kuti ayende kunzi-nkulu wehango yeGalile unoyi Nazaretha, kumhandala yaka ili muludo nenhhuhha unoyi Josefa wen'umba yaDavida, zina lemhandala liyi Mariya.



Ntumwa wekudzimu wakati kuwunli,
“Usihle Mariya, wawana ngoni
dzeNdzimu. Nowhobhata mimba
ukatshibama nkololo,
unowhowumpa zina linoyi Yesu.
Unowhoba nhu nkulunkulu,
unowhodan'wa eyi uNkololo
we Upehhugwihhugwi; He
Ndzimu banowhowumpa tjigalo
tjebumambo tjatate babe Davida.
Unowhotonga pehhugwi kwen'umba
yaJakobe nekusingapele, bumambo

gugwe agutowhopela.”



Ipapo Mariya wakati kuntumwa
wekudzimu, "Kowhoyetika tjini ikoku
imi ndisingazibe nlume?"



Ntumwa wekudzimu wakahandula eti,
“Meya Yakayengemala inowhobuya
pehhugwi kuko, nemasimba e
Upehhugwihhugwi
anowhokufukidza,
kobva kuti iwhoyu
wawunowhotshibama
unowhoi
wakayengemala,
unowhodan’wa
eyi Nkololo
weNdzimu.”



Mumahhuba iyawo Mariya wakamilika akayenda
kuhango yezwitombwana nekulibilidza,
kunzi-nkulu waJuda. Wakanongina mun'umba
yaZakhariya akabuyisa
Elizabethi.



Kwakayetika kuti Elizabethi ewha buyisa kwaMariya, mwana umuntumbu wakatjuluka ehanha, Elizabethi wakahhala neMeya Yakayengemala. Wakalebelekela pehhugwi ekati, "Waka kombolegwa iwe pakati kwebafumakadzi, mwana wawakasenga wakakombolegwa."



Ndizo zwagwa kwa Yesu Khirisitu kwakaba nayeyi zila.
Mme babe Mariya waka
ewhobhikila kuna Josefa,
besanhu batongoyizela bose,
waka wan'wa akazwisenga
mimba yeMeya
Yakayengemala.
Josefa atjibe nlume
uwe, ali nlume
wakatambunuka asingade
wumbhatisa honi mutjaba,
wakaba nenkumbulo
welambana naye banhu
besingazibe.



Etja alakana nekwako, wakahhigwa newoloto, wakawolota ntumwa waHe eti kuwunli, "Josefa, nkololo waDavida, usihle tola Mariya abe nkadzi uwo. Ngobe wakazwisenga mimba yeMeya Yakayengemala. Unowhotshibama nkololo, uwuntumile zina linoyi Yesu. Unowhotjidza banhu babe mumatjinyo abo."



Josefa akamuka muw hope, akatobela tjaalayiwa nentumwa wa He, akatola nkadzi uwe; azotongongina mungubo naye akadza akatshibama nkololo. Josefa akawuntumila zina linoyi Yesu.



Kwakayetika kuti mumahhuba aKhesari Agasitasi kwakabhuda nlayo waka uti banhu muhango yose bakafanila kwalisiwa.

Banhu bose bakayenda kuti benokwalisa, nhu wose



eyenda kunzi-nkulu wakanyi kwabo.



NaJosefa bo wakayenda ebva muntunhu weGalile,
munzi-nkulu unoyi Nazaretha, akayenda kuntunhu
weJudiya, kunzi unoyi
Bhethlehemema ngobe
waka ebaligwa
kun'umba
yeludzi



gwaDavida.
Wakayenda enokwalisa
naMariya waaka ewholobola, atjikuligwa.



Kwakayetika kuti betji
ikweno, mahhuba awe
etshibama akaswika.



Wakatshibama mbisana mbano iye; akawumpetela
nematjila, akawunladzika munghoro nentha yekuti
n'umba dzebezi dzakadzili hhele.



Kwakakuna balisi bemhwizi muhango iyeyo, begala kumakula bakalisa, kakale belinda mhwizi dzabo busiku.



Ntumwa waHe wakaboneka kubali, kwidzima kwaHe
kukabakombeledza, bakahhala luhlo kwazo. Ntumwa
weNdzimu wakati kubali, "Musihle,
ndawhotula ndebo mbuya



inowhohanhisa
banhu bose."



“Nasi mazwaligwa Ntjidzi, iye Khirisitu He,
munzi-nkulu waDavida. LYetji tjowhobe tjilakidzilo
kumuli. ‘Mowhowana mwana
akapetelegwa nematjila

akaladzikiwa
munghoro.’ ”



Tjinyolotjo kwakabe negubungano lekudzimu
gulugulu lina ntumwa weNdzimu limba
likudza Ndzimu liti, "Gudzo ngalibe
kuNdzimu



Upehhugwihhugwi,
kunyalala
muhango nehanha
ngakube kubanhu bose!"




Kwakati ke batumwa beNdzimu babgwilila kudzimu, balisi bemhwizi bakalebelesana, beti, "Ayindeni ngwenuwali kuBhethelhehema tinobona tjayetika tjatazibisiwa naHe."



Bakayenda nekulibilidza, bakaswika bewana Mariya na Josefa, nemwana alilele munghoro. Bakati batjibona ikoku, bakathama kuti kuzibgwe kose kwalebwa kubali nekwemwana iwhoju.



Kwakati pakuzwagwa kwa Yesu mu Bhethlehema, muntunhu we Judiya, mulubaka Hherodi ali iye mambo, kwakaswika mu Jerusalema batjenjebvu



baka bebva kubhehuba. Beti, "Uponi iye wazwagwa ali Mambo wema Juta? Tabona nyenyedzi iye kubhehuba, tahha kuwhowunamata."

Hherodi wakakodanila ntome batjenjebvu, akawha kubva kubali kuti nyenyedzi yabonakala gupi lubaka. Wakati kubali, "Yendani kuBhethlehemema munohakisisa nekwemwana iwhoyo, hapa muwuwana, mundibudze, kuyetila kuti nami bo ndiyende ndinowunamata."



Bakati batjiwha matama amambo, baka yenda,
bakabona iyeyiya nyenyedzi yabaka babona
kubhehhuba yakabatungamila, ikadza
ikanoma pehhugwi kwayipapo
kwaka kuna mwana.



Bakati beyibona nyenyedzi bakahanha kupindisisa;
bakangina mun'umba bakabona mwana enaMariya,
meyabe, bakapfigama bakakotana
bakawunamata, bakahhula
whomo dzabo bakawumpa
zwipo, zeezi nenyonje
nema futa
anonhuwilila
anoyi mure.



Hule kwekuti Ndzimu abalaya ngewoloto kuti
basibgwilile kuna Hherodi, bakabgwilila
kuhango yabo neyimwe zila.



Batjiyenda, ntumwa waHe wakaswika kuna Josefa ngewoloto, eti, "Milika, tola mwana nameyabe, mutihhile ku Igipita, mugale ko ndidze ndikubudze uyeti, Hherodi unovima mwana kuyetila kuti awumbulaye."





Wakamuka, akatola mwana
namayi busiku, akayenda ku
Iyipita, wakagala ikweno
Hherodi akadza akatjinyika,
kuti kuhhadzisike tjakalebgwa
naHe ngenlebesambeli,
eti, "Ndakadanela
Nkololo wangu kuhhe
kwe Iyipita."



Hherodi atjibona kuti
batjenjebvu bawuntjengela,
wakamon'wa kwazo,
akatumila whi linoti kubulayiwe
bose bana betjilume,
muBhethelehhema nemuntunhu
iwhoyo wose banamakole mabili
kuyenda
pasi.



Igogu lubaka
gwakaguyendidzana nelubaka
batjenjebvu pabakabona
nyenyedzi, sebudza
kwabo Hherodi.



Kwakati Hherodi atjifa,
ntumwa waHe akaswika
ngewoloto kunaJosefa ku
Igipita, eti, "Muka utole
mwana nameyabe, uyende
kuhango ye Isirayeli,
batjifa baka bevima
butjilo gwemwana."



Koga wakati ewha kuti Akhelasi
unotonga hango
yeJudiya mubugalo
gwatatayi Hherodi,
wakahla yenda ko.




Wakati atjilumwa zebe muwoloto,
akayenda akanogala
muntunhu weGalile,
wakagala
munzi-nkulu



unoyi Nazaretha,
kuyetila kuti kuhhadzisike
tjakalebgwa nebalebesambeli, kuti,
"Unowhodan'wa eyi Nanzarini."





Ngobe Ndzimu wakada hango
zwingapa, kwekuti wakapila Nkololo
uwe uyega, kuti nhu wose
unogalamoyo muwunli asife koga
abe nebutjilo gusingapele.



BaRoma 3:23 ngentha yekuti wose nhu wakatjinya,
unotayila swikilila gudzo leNdzimu,

BaRoma 6:23 Ngobe mbhayilo wejinyo lufu, koga tjipo
tjempho tjeNdzimu, butjilo gusingapele muna Khirisitu
Yesu He wedu.

BaHhebheru 9:27 Ngobe senhu wose ewhofa kan'ompela,
hule kwayikoko kotobela tongewa,

baEfesu 2:8,9 Nentha yengoni makatjidziwa
nekugalamoyo; koga ikoku akuta nentha yethama kwenyu,
itjipo tjeNdzimu-kusi nentha yemihingo, kuyetila kuti
kusitongobe nenhu unozwikudza.

BaRoma 10:9,10 Hapa ubvuma nenlomo uwo uti, "Yesu
ndiHe," ugalamoyo mumoyo uwo kuti Ndzimu
wakawumusa kubafi, nowhotjidziwa.



Ngobe nemoyo uwo nogalamoyo ukalulamisiwa,
unobvuma nenlomo uwo ukatjidziwa.

Johane 3:16,17 Ngobe Ndzimu wakada hango zwingapa,
kwekuti wapakila Nkololo uwe uyega, kuti nhu wose
unogalamoyo muwunli asife koga abe nebutjilo
gusingapele. Ngobe Ndzimu wakatuma Nkololo muhango,
esingahhile tonga hango, koga kuti hango
itjidziwe muzina lile.

1 Johane 5:11-13 Igogu ndigo busupi, kuti Ndzimu
wakatipa butjilo gusingapele, igogu butjilo gumuNkololo
uwe. UnaNkololo unabutjilo; usina Nkololo weNdzimu
haana butjilo. Ndomukwalila ikoku imwi banogalamoyo
muzina leNkololo weNdzimu, kuyetila kuti muzibe kuti
muna butjilo gusingapele.



Matewu 1-2; Luka 1-2

Storyline by: Edward D. Hughes

Illustrated by: M. Maillot
and Alastair Paterson

Adapted by: E. Frischbutter; Sarah S.

Kalanga NT (kck) The Word For The World International

<https://www.bible.com/bible/860/GEN.1.KBTP>

©2026 Bible for Children, Inc.

www.M1914.org

www.bibleforchildren.org

